

夏日遊記 (2)

學習範疇：親子伴讀(對話式閱讀)

學習目標：

- 增強圖書概念 - 辨認圖書的基本結構及閱讀文字的方向
- 促進對故事的理解及回答不同類型問題的能力 - 回答與故事內容有關及延展性的問題

所需物資：

- 故事圖書【哈利海邊歷險記】(可到公共圖書館借閱圖書)



<https://webcat.hkpl.gov.hk/lib/item?id=chamo:1198865&fromLocationLink=false&theme=WEB>

- 問題範例 (參考用)

步驟：

1. 成人展示故事圖書【哈利海邊歷險記】，邀請兒童簡述故事上半部分的內容。
2. 成人翻開故事圖書的下半部分 (即 P.16-28：由「哈利跑去看每一個遮陽傘」至「也難不到他們」)，表示會繼續說這故事，鼓勵兒童留心，並像上次一樣回應問題。
3. 成人以口語說故事，每說畢兩至數頁後，參閱問題範例，向兒童提問一至兩條內容性問題及一條延展性問題。
4. 成人把兒童的回應擴展成完整句子作回饋，以提升兒童的表達能力。
5. 重複步驟 3-4，直至完成整個故事。
6. 讀完故事，成人邀請兒童與哈利說再見。

注意事項：

- 問題範例中有內容性及延展性兩類問題。延展性問題旨在訓練兒童的推理、解難、類化、假設等能力，成人可鼓勵兒童一起動腦筋，想出更多可行的答案，透過討論豐富經驗。
- 若兒童的理解能力較弱，建議成人集中發問內容性的問題。
- 若兒童對故事的理解能力較高，對與內容有關的問題已有充分的掌握，成人發問時可增加延展性問題的數量，進一步提升兒童的語言推理能力。

此教材參考自協康會《聽說讀寫小寶盒》(低班)。

學習範疇：親子伴讀(對話式閱讀)

問題範例

◇ 內容性問題

◆ 延展性問題

P.16-17 「哈利跑去看每一個遮陽傘.....把牠送到水族館去！」

◇ 「哈利發現沙灘上嘅人都係點樣㗎？」(戴著草帽、太陽眼鏡、塗上太陽油)

◇ 「哈利除咗用眼睛四圍望去看搵主人一家外，仲有用咩方法去搵主人呀？」(用鼻不停地聞味道)

◇ 「嗰兩個巡邏嘅叔叔擺咗個咩嚟呀？」(大垃圾桶)

◇ 「佢哋想將哈利送去邊度呢？」(水族館)

◆ 「太陽油有咩用㗎？」(防止曬黑和曬傷皮膚)

◆ 「水族館入面有咩海洋生物睇㗎？」(魚類、水母、海星、海豚、海獅.....等)

P.18-19 「他們兩人從哈利的背後.....垃圾桶由上往下」

◇ 「嗰兩個巡邏嘅叔叔喺哈利嘅邊度呢？」(背後)

◇ 「巡邏叔叔準備做咩呀？」(用垃圾桶套住哈利)

◇ 「哈利聽到咩嘢？」(有人叫牠的名字)

◇ 「喺圖畫度，沙灘上其他人喺度做咩呀？」(站在一邊看看發生什麼事)

◆ 「除咗用大垃圾桶套住哈利呢個方法之外，仲有咩其他方法可以捉住哈利呢？」(大繩索、網、鐵鏈.....等)

◆ 「有啲咩廢物係可以進入回收箱㗎？」(報紙、雜誌、膠樽、鋁罐.....等)

P.20-21 「哈利向前跑.....哈利只是一股腦的跑向前方。」

◇ 「點解捉唔到哈利嘅？」(因為牠向前跑，剛好從垃圾桶下面逃走了)

◇ 「嗰兩個巡邏叔叔點樣呀？」(張大口呆了)

◇ 「其他人又點呀？」(有些在尖叫、有些快跑、有些一邊尖叫一邊快跑)

◇ 「喺圖畫度一共見到幾多隻雀仔呀？」(四隻)

◆ 「沙灘度嘅人跑得好快咁逃走，仲有啲咩情況我哋係要逃走呀？」(火警、被狗追、玩捉迷藏.....等)

◆ 「如果你係其中一個喺沙灘上嘅小朋友，你會講咩呀？」(自由發揮)



P.22-23 「哈利跑到賣熱狗的小店前面.....牠高興得又叫又跳」

- ◇ 「哈利跑咗去邊度呀？」(賣熱狗的小食店前面)
- ◇ 「哈利之前聽到有人叫佢個名嘅聲音，其實係邊個嘅叫聲嚟㗎？」(老闆)
- ◇ 「賣熱狗嘅老闆喺度叫咩呀？」(好熱！好熱！好熱！好味的熱狗！)
- ◇ 「點解哈利對住賣熱狗嘅老闆開心到又叫又跳呢？」(因為牠以為老闆在叫牠的名字)
- ◆ 「熱狗係點樣整㗎？」(把一條香腸夾在包的中間，然後加一些茄汁)
- ◆ 「熱狗好熱，如果我想要啲凍嘅嘢，可以買咩呀？」(雪糕、雪條、汽水.....等)

P.23尾-25 「由於跳得太過火了.....牠當場跳起舞來。」

- ◇ 「哈利跳得太犀利嘞，有咩事發生呀？」(牠身上的海藻滑了下來)
- ◇ 「哈利見到邊個向佢跑緊過嚟呀？」(牠的主人 / 兩個小朋友)
- ◇ 「哈利嘅小主人同哈利講咩呀？」(哈利！我們聽到你的叫聲啊！我們四圍找你呢！)
- ◇ 「喺圖畫度，賣熱狗嘅老闆嚇到跌咗啲咩落啲沙度呀？」(熱狗、碟子、夾子)
- ◆ 「如果你係賣熱狗嘅老闆，跌咗啲熱狗、碟同埋個夾落啲沙度，你會點做呢？」(把熱狗拾起掉進垃圾桶、把碟和夾子拾起洗淨)
- ◆ 「哈利同佢嘅主人失散咗，如果我哋要帶隻狗去街，有咩方法可以避免佢走失呢？」(替狗戴上狗帶拖著牠、抱著狗、把狗放進箱或袋內.....等)

P.26-28 「因為哈利吸引了好多人過來.....也難不倒他們。」

- ◇ 「點解熱狗店老闆咁高興呢？」(因為熱狗全部都賣掉了)
- ◇ 「熱狗店老闆同埋肥太太送咗啲咩俾哈利呀？」(漢堡包和一瓶飲品)
- ◇ 「兩個小朋友帶哈利去邊度呀？」(去找他們的爸爸媽媽)
- ◇ 「新個把太陽傘係點呀呢？」(有黑點的白傘)
- ◆ 「點解肥太太話哈利係一隻『熱狗』呀？」(因為牠是一隻覺得好熱的小狗)
- ◆ 「點解以後哈利都唔駛再驚喺沙灘度搵唔到佢嘅主人呀？」(因為牠主人的太陽傘很特別，與其他的傘不同，很容易辨認得到)

此教材參考自協康會《聽說讀寫小寶盒》(低班)。